

۱ مارت


۱۹۲۶

تورک تاریخ انجمنی

اون آلتنجی سنه

نومرو ۱۴ (۹۱)

مجموعه سی



تكملة الشقائق في حق اهل الحقائق

(بکن نسخه دن مابعد)

شیخ عبدالرحمن

شام متحیزان علماسندن غزی زاده شیخ عبدالرحمن .
عبدالرحمن ابن محمد بن عبدالرحمن بن زین العابدین ابن شیخ الاسلام البدر الغزی در .
پدر و اجدادی دخی اجله فضلادندر .
عالین و عارفینک کبراسندن جامع الطرق شیخ عبدالغنی نابلسی نک کریمه زاده لیدر .
شامده ۱۱۳۴ جمادی الاولک طقوزنده طوغمشدر .
جد مادری و پدری مشارالیهما نک نظارت خصوصیه لریله آنلرک دارکالاتلرندن
مستفید اولدقدن صکره کبار فضلادن شیخ العلماء شیخ عبدالقادر تعلی ، ملا الیاس
کورانی ، شیخ محمد کاملی ، حمزه زاده شیخ عبدالرحمن و بونلر کی ذوات عالیه نک
درس عالمانه لرندن ذکاوت مفرطه فطریه لریله آز وقتده بر چوق علوم تعلم ایتمشیدی .
عمری وفا ایتوب ۱۱۴۴ ذی الحجه سنک اوتخی کونی ارتحال دارالسلام ایلدی .
(مرج دحداح) قبرستانده اجداد و متعلقاتی آراسنده مدفوندر . فضل و کمالی
مسلم ، پرهم بر ذاتدر .

شیخ سعید

شام مشاهیر فضلاسندن شیخ سعید .
سعید بن محمد امین ابن خلیل بن عبدالرحیم . بونلردن شیخ خلیل علائی لیدر .
آناطولی قضاتندن اولوب طرابلس شام ، قیصری قاضی اولمش و مسلم اولان فضلنه
بناءً مخرج قدس بایه سی توجیهیله تلطیف بیوریلهرق شام حنفی مقبلیکی ایلده قدری
تضعیف اولمش ایدی . وفاتی شامده ۱۰۸۱ جمادی الآخره سنده در . فضلا
و متحیزاندر رفیع القدر بر ذاتدر .

بو ذات وقيله شامه ملحق اولان محللردن (سَعَّع) نام قريه نك امامتبه بولمق حسييله كندى اوغلى شيخ امين بونك اوغلى شيخ سعيد سوع ديو تليقب اولنديلر. شيخ سعيد شامده تولدايتدى. علمای سنامك درس عالمانه لرندن استحصال علوم ايلدى . اصحاب كالدن و مدرسيندن اولوب كالات مصدقه سى نسبتنده شعرى دخى واردر. ۱۱۴۴ ذى القعده سنك يكرمى اوچنده وفات ايتمشدر .
(باب الصغير) قبرستانده دفيندر .

مصطفى افندى

ولى پاشا قاينى مدرسيندن مصطفى افندى .
ظرفادن بخورى زاده نك اوغلى و احمد ثالثك اوائل سلطنتنده حائر مقام قيودانى بولنان ولى پاشانك قانن برادريدر . قدامى مدرسيندن اولوب ۱۱۴۴ ذى القعده سنك يكرمى آلتيسنده رحلت ايتمشدر .
اسكدارده قرهجه احمد تره سى آرقه جهتنده خرمنلكه كيده جك جاده نك صول طرفنده مدفوندر .

شيخ خليل

شام كبار فضلاسندن شيخ خليل غزى .
خليل بن رضى الدين بن سعودى ابن شيخ الاسلام محمد الغزى العامرى .
صاحب ترجمه شيخ خليل شامده ۱۰۸۷ ده تولد ايتدى . پدرى مشار اليه شيخ رضى الدين بن عمى زاده سى شيخ احمد غزى دن، شيخ ابى المواهب شيخ عبدالغنى نابلسى دن تحصيل علوم ايدوب شيخ محمد ابن محمد المقدس حضر تارندن اخذ اجازت ايلدى .
بوندن صكره فاضلانه تدريس ايله اشتغال ايدى يوردى . ۱۱۴۴ ذى الحجه سنك يكرمى بشنجى كونى نسخه نفيه حياتى اتمام ايلدى .
شامده مؤلفين بنام و طريق شاذلى اطازم ذوى الاحترامندن شيخ ارسلانك مرقد شريفلى قربنده دفيندر . جامع الفضائل احسن الخصال بر ذات معاليه مآدر .

جامعته حديث شريف تقرير و تدريس ايتكمده اولمريله او ذاتك مجلس تقرير
 دليزيرلرینه دخالتله مدت وافرہ حديث جليل تلقى ايلشدر و حضرتہ داماد اولمشدر .
 يکرمی بش سنہ مقداری درسارنده حاضر اوله رق قدسه عودت ايتديلر . بر آراق
 قدس شافى مفتيلکى عهده لرینه توجيه اولندی .
 تدريس ايله مشغول اولدقلى حالده ۱۱۴۴ ده دار بقايه منقول اولديلر . قبر
 مبروکلى قدسده (باب الرحه) ده در .

شيخ محمد

مدينة منوره كبار فقهاسندن شيخ محمد كورانى .
 محمد بن ابراهيم بن حسن در . كنيهسى ابوالطاهر در . مدينة منوره ده ۱۰۸۱
 رجبك اون برنده تولد ايتشدر . پدرى فضلاى محققيندن شيخ ابراهيم مدنىك
 حجره تربيه كالات پرورانلرنده قرآن كريمك حفظلى و علوم مرتبه نك مقدماتى تلقى
 ايدهرك شيخ محمد امين بر زنجى و محدث حجاز ابى الاسرار شيخ حسن و شيخ
 محمد مغربى و شيخ عبدالله بن سليمان بصرى و شيخ شهاب احمد بن محمد نخلىك
 و بونلره معادل ذوات نادرالامثالك درس حقايق پروريلردن استحصال و استكمال كال
 بيورمشيدى . مدينة عاليه ده تدريس علوم ايدهرك فيضان بخشاى طالمان و طالبان
 اولوردى . ۱۱۴۵ رمضانك طقوزنده درس حياتى اكال ايلدى . (بقيق شريف) ده
 مدفوندرلر . علم فقهده ، علوم سائرده يدطولى صاحبي بر ذات معالى سمندرلر .
 مرحوم كالات عظيمه ايله ممتاز فضائل و فيره ايله سرافراز مؤلفات عالمانلرى
 مسلم انام ، حالات عارفانه لرى مقبول خاص و عام برذات بنام ايديلر .
 امام الانبياء افندمرك ابوين محترمين رسالتپناهيلرى حقنده على القارىك رساله سنه
 (رديه) سى قرآن كريمك علم ادا قسمندن (جهد المفل) .
 بو (جهد المفل) ي ايضاح ايچون (بيان جهد المفل) .
 قرآن كريمك فنون و جوهاسندن اوتوز جزؤ مقدارى (تهذيب القرائات)
 تفنىك انواع و اقسامنى مين بررساله .
 طريقت محمدية نك ديناچه سنده ربطى پك كوچ اولان برحله برحاشيه ، ضاذرساله سى ،

شواهد الرضى نك شرحى اولان بغدادى يى اختصار ايلدى . لطائف المنه نام
اثرى ده واردر .

شيخ محمد افندى

مرعش ده اعلى افاضلن سچاقلى زاده افندى .
مرعشه بولنان جوامع شريفه دن برينك خدمت امامتده محترماً اوقاتكذار
اولان فاضل صاحب اشتهار مرعشلى ابوبكر افنديك نجل كالات آتاريدر . ولادتلى
اولده ده در . ۱۰۹۰ تاريخلى شرفلنديرمش اولان مشاهير مؤلفيندن تفسيرى
محمد افنديك تلامذه سندن اولوب فضائل مسلمة لرى پيرايه بخش مجالس علما وادبا
بولنان دارنده لى حمزه افنديك خلقه تدريس حقايق شعاريلرندن اكتساب علوم
بيوردى . زماننده سرلوحه علمائى كاملين و مشايخ واصلين اولان شيخ عبدالغنى
نابلسى دن طرق قادريه و نقشبنديه اركانى وجهله منتسب و مستخلف اولوب ظاهر
و باطنى معمور قلب آگاهلىرى پر نور اولمشيدى .
پدر حقايق اثرندن منتقل اولان خدمتى حسن ايفايه و نشر علوم عاليه و آليه
بذل مقدرت بيورر ايدى . بقايه انتقاللى ۱۱۴۵ تاريخنده در . مدفن مباركلى
مرعشه در .

الشيخ سچاقلى تاج المرشدین ترکیبلى ارتحاللىنه توارىحدر .

۱۱۴۵

۱۱۴۵

شيخ على

قدس شافعى مفتى تحرير بى نظير شيخ على .
على بن حبيب الله بن محمد بن نورالله بن ابى اللطف قدس اكابر افاضلندن شيخ
حبيب اللهك نجل مكرملريدر . ولادتلى قدسده وقوعبولمشدر . پدر فضائل اثرى
مشار اليه دن تحصيل علوم ايتكمده ايكن آنر ارتحال ايتديلر .
صكره مصره كيدوب (جامع ازهر) فضلا سندن اون بش سنه استحصالكال
ايدرك استانيوله كلدى . مشاهير محدثين كالاتقريندن شيخ احمد غزى آيا صوفيه

اون اوچ جزؤ مقدارى (ترتيب العلوم) عنوانارى آلتنده تأليفات تحريرانه سائر آثار متبحرانه لرى واردر .

السيد عبد الله افندى

شيخ الاسلام بشمقى زاده عبدالله افندى .
مكرراً مقام مشيخت اسلاميه في احرار ايدن بشمقى زاده سيد على افدينك
فرزند معارفندى اولوب دارالسلطنه ده ۱۰۹۱ حدودنده تولد ايتدى .
مدرس اولدقدن و علمای كرامدن استحصال واستكمال كال ايتدكدن صكره
۱۱۲۴ ده مصر مولويتلرى ۱۱۲۷ ده استانبول قاضيلقى ۱۱۳۰ ذى القعدة سنده
عشاقى زاده سيد عبدالله افدينك يرينه نقابت اشراف ۱۱۳۲ جمادى الاخره سنده
آناطولى ۱۱۳۷ شوالنده روم ايلي قاضيسكرلكى ۱۱۴۳ شوالنده ميرزا زاده
شيخ محمد افدينك يرينه مسند جليل شيخ الاسلامى توجيه بيورلدى .
اون آى مقام مشيخت اسلاميه ده بولندى .
حج شريفى ايفا ايدوب عودتنده قونيه ده ۱۱۴۵ اوائلنده وفات ايتدى .
حضرت مولانا تره شريفه لرى قيسى خارجنده دفيندر . فاضل عفيف شريف
ابن شريف برذات ايدى .

شيخ محمد

شام مفسرين بنامندن تحرير شهر محمد الحبال .
محمد بن محمد بن ابراهيم بن عمر . ولادتلى شامده در . جامع اموى اكابر فاضلندن
مفتى شيخ اسماعيل حاكك ، شيخ عبدالقادر العمرى ، شيخ ابراهيم قتال .
شيخ عبد الغنى نابلسى نك مجالس متبحرانه لردن سائر ذوات فضائلسماتدن
تحصيل علوم ايلديلر . (جامع اموى) ده (مدرسه كلاس) ده سنين كثيره علوم عاليه
و آليه يي تدريس ايدهرك مجلس حقايق انيسى منافع بخش عالمان و عارفان اولور . اكثر
اجازتنامه لرك بالالارى نام فضائل اسماء دقايق شعاريلى ايله تزيين اولنوردى .

۱۱۴۵ ربیع الاولنک اون طقوزنده مبحث حیاتی تعطیل ایلدی .
علوم متنوعده درکار اولان فضائل محققانه لرندن نیجه ذوات اخذ کالات ایلدیلر .

شیخ محمد طبیعت

شام فقهایی علماسندن شیخ محمد طبیعت .
محمد طبیعت ابن یس ابن مصطفی شامده تولد ایتدی .
کبرای فضلاى بنامک حلقه تدریس لرندن تحصیل علوم ایدوب متنوع تدریس ايله اشتغال ایدردی . فقه شریفه، فنون متداوله یه منتسب ذواتدن اولدقدن بشقه ادبیاتک همان هرجهتده حسن طبیعت مالک ایدی .
۱۱۴۵ ده وفات ایدوب (مرج دحداح) قبرستانده دفن ایلدی .

شیخ عبدالجلیل

حص فزلا سندن شیخ عبدالجلیل .
شیخ یحیی نك صلبندن (حص) ده طوغدی . تحصیل علوم ایچون مصره کیدوب خاتم المحققین، شیخ عبد الرؤف بشیشی، شیخ الکبیر، شیخ احمد خلیفی نك درس حقایق پناهیلرندن استحصال علوم ایده رک ۱۱۱۰ تاریخنده مملکتده عودت ایتمش ایدی . حص مفتیلکنده تقریباً ۱۱۴۵ ده رحلت ایتدی .
حص خارجنده اصحاب فخرامدن خالد بن ولید رضی الله عنک جوار سعادت مدارنده دفین ترا بدر . کبرای فضلاى ذوی الاحترامدن جمیل الشیم عالی همم برذاتدر .

حسن افندی

رئیس العلماء حسن افندی :
محمد رابعک برمدت امام ثانیک خدمت لرنده بولندقدن صکره امام اول تعیین بیورلشیدی . طریق علمی ده روم ایلی قاضی عسکر لکنه ارتقا وکب قدم ایتمسینه رئیس العلماء عنوانی ویرلدی . ۱۱۴۵ رجینک ابتداسی اولان جمعه کونی وفات ایتدی .
اسکدارده دده لر مسجدی دائره سنک اوکندن سراج لر چشمه سنه کیدن جاده نك

صول طرفنده و قبرستانك چشمه یه اولدجه یقین بولنان جهتنده اولاد و متعلقاتی آراسنده متواریدر .

یوسف افندی

کبرای موالدین اولیا یوسف افندی .

رئیس الاطبا نوح افندی مرحومك محادیم كالات و سیمندن بری و استانبول قاضیسی ابوبكر بك و صدراعظم حكیم زاده علی پاشانك برادریدر . دارالخلافة العلیه طوعمشدر .

علمای کرام حضراتنك مجالس علمیهلرندن علوم متداوله یی تحصیل و صنف مدرسینده مراتب مرتبه یی تکمیل ایدهرك بلاد مخرج مولویتلرندن برینك ، موخرآ ادرنه مولویتنك و مکه مکرمه پایه سنك توجیهیله تسریر اولمشدر . ۱۱۴۵ ده ارتحال ایشدر . حضرت سنبل سنان قدس الله اسرارہ المستمان آستان قیوضان بنیانی جوارلرنده پدرلری مرحومك مقبره مخصوصه سنده متواریدر . ارتحاللرینه وقعه نویس شا کر بکک سویلیدیکی تاریخدر :

شا کرا بر بر کلوب تاریخ فوتی دیدیلر

اولیا یوسف افندی روحنه الفاتحه

۱۱۴۵

ممارقندان موالدین خصائل حسنیه یی جامع ذواتدن ایدی .

سلیمان عصمت افندی

پند عطار شارحی اندرونی عصمت افندی .

سرای هایون ملوکانه آشجی باشیسی احمد آغانك کریمه زاده سی و اندرون هایون کیلار خاصه اوطه سی متحیزانندن ایکن قرنای شهریارى اولان پیشکیر آغاسی ابراهیم آغانك اوغلیدر . دارالخلافة العلیه تولد ایشدر . کنجلیکنده اندرون هایونه چراغ اوله رق اساتذه کرامدن علوم متداوله یی تحصیل ایتش ، مدرسلك ایله چراغ بیورلشدر . وفاتی ۱۱۴۵ شوالنك ابتدا کی کونیدر .

اسكدارده قره جه احمدك تربۀ شريفه سى يانندن خرمنلكه كيدن جاده نك صول طرفنده كى صو ترازوسى ايلروسنده درت طرفى ديوار ايله محدود اولان شكر قويوسى بوستانك آرقه سنده متعلقاى آراسنده مدفوندر. فضلا و عرفادن شهرتلى برذاتدر. شيخ فريدالدين عطار كتب فارسى دن (پند) نام كتابى شرح ايلشدر .

محمد افندى

بروسه نقيب الاشرافى معالى زاده محمد افندى . دولت عليه عثمانيه ده ابتدا مقام شيخ الاسلامى به اصعاديوريلان اعظم مؤلفيندن مولانا شمس الدين فنارينك سلاله سندن بروسه نقيب السادات و سلطانيه مدرسه سنك مدرسى ايكن ۱۱۳۱ ده وفات ايتش اولان اعلى علمدان معالى زاده ابراهيم افنديك كوچك برادريدر بروسه ده دوغمشدر . مدرسين سلكنده ترقى ايدهرك ۱۱۴۲ ده سليانيه راده سيله بروسه نقيب الاشرافى اولمش ، ۱۱۴۵ وفات ايتشدر . والده سى طرفندن جدى بولنان مشاراليه فنارى حضرتلرينك بروسه ده واقع جامع شريفى خظيره سنده متوارى مزار غقران مداردر .

عبدالفتاح افندى

فضلاى مواليدن فتاح افندى . محمد سعيد افنديك بخل سعيدى اولوب سلك مدرسينده ترفيع مراتب ايدهرك بلاد مخرج مولويتلردن يكيشهر مولويتنه نائل اولدى . ۱۱۴۵ ذى القعدة سنك ابتدا سنده وفات ايتدى . ادرنه قپوسى خارچنده طوپچيلار جاده سنك صول طرفنده صديقى زاده مشاهير صدوردن سيد خليل افنديك صفه مخصوصى قريبنده وديعه خاك قلندى . اوغلى محمد افندى قديمى مدرسيندن اولوب ۱۱۵۶ ده رجلىت ايلدى . پدرى ياننده مدفوندر .

محمد الرشيدى افندى

آياصوفيه جامعى درسعام شهري محمد رشيدى افندى . مصره مضاف اولان ممالك مشهوره دن (رشيد) ده عالم حيايه بديد اولدى .

علمای اعلام حضرتك مجالس علمیه لرندن علوم مقتضیه بی تعلیم و تفهم ایندكدن
صكره مدرسین صنفه دخالت و استانبولده تأوی و توطن ایدرك آیاصوفیه جامعده
نشر علومه مداومت ایندی .

فریضة حج شریفی بالایفا استانبولده ۱۱۴۵ ده انتقال داربقا ایلدی . اسكدارده
سید احمد دره سیله نوح قیوسی جاده سی آراسنده کی مقابر وسیعنه كده لر مسجدینه
اولدقچه یقین بولنان محمده روم محمد پاشا جامعی مؤذن طریق خلوتیدن شیخ علی
افندیك مرقدی یقیننده متواریدر . اوغلی عرب زاده مدرسیندن حاجی مصطفی
افندی ۱۱۷۶ سالنده وفات ایدوب باباسنك یانه دفن اولندی .

محمد ذکریا افندی

درسعام و موالی کرامدن ذکریا افندی .
قدمای درسعامدن و ارباب اقتداردن اولوب مدرسین آراسنده قطع مراتب
ایدرك قدس شریف ملاسی اولمشیدی . ۱۱۴۵ تاریخنده انتقال ایندی . حضرت
خالد جامعنك بوستان اسکله سی طرفنده فریدون پاشا تره سی ایله شکر پاره تره
و سیلی آراسنده کی قبرستانك شکر پاره تره سنه یقین اولان جهتنده صدوردن
چوی زاده عطا افندی ، شیخ الاسلام شریف زاده محمد افندی ، حکیم باشی کورک
زاده حسن افندی مقبری جوارنده مقبوردر .

حسن افندی

قضاة سلکنده مستخدم علمادن اولوب علم فرائض تدریمی دائماً اشتغال ایلردی .
۱۱۴۵ ده وفات ایندی . ادرنه قیوسی خارجنده اوتاقچیلر حامی قارشوسنده
(آق تره) خرابه سی یاننده متواریدر .

احمد ثنائی افندی

موالی بنامدن خطاط ثنائی افندی .
علی افندیك صلبندن (کوتاهی) ده طوعدی . اساتذه خطاطیندن (قره قز)

شهرتيله رجال ارباب خط مياننده متداثر اولان خواجه زاده محمد افندين علم خطك رسومنى تحصيل و او ذواندن تلذ ايلدى . مدرس اولدقدن صكره قدس و مصر مولويتلى توجيهيله قدمنه واهليتنه رعايت اولدى . مكه مكرمه مولويتى منصبنده ۱۱۴۵ ده وفات ايندى . (معلا) قبرستاننده دفيندر . كالات و فيره سيله شاين مدح و ثنا محاسن اخلاق و اطواريله تزيين ذات ايتش بر وجود مستثنا ايدى .

محمد افندى

عرفان مواليدن محمد افندى .

بروسه ليدر . طريق مدرسينده قطع مراتب ايدهر ك و قيله بلاد مخرج مناصبدن محدود اولان اسكدار مولويتى توجيه اولمشدر . ۱۱۴۵ سنه سنده وفات ايتشدر . بوغاز ايچنده قاكليجه ده ساحلخانه سى يقيننده اسكندر پاشا جامعى خطيره سنده شيخ الاسلام يكي شهرلى عبدالله افندى قبرى قربنده متواريدر . عرض دعا (۱۱۴۵) تركيى تاريخ وفاتيدر . عارف و دانشور بر ذات كالات اثر اولوب بر قطعه بليقانه ديوان اشعارى واردر .

على افندى

اكابر افاضلن شارح بخارى يوسف افندى زاده عبدالله افدينك درس خقايق پناهيلردن استفاده و استفاضه ايدن علمادندر . ۱۱۴۵ ده تكميل درس حيات ايتشدر . طوب قوسى خارجنده استادى مشاراليهك مشهور اولان مرقد مبروكى دائره سنده مقبور ايدلمشدر .

محمد افندى

طرسوس مفتيسى مرآت محشيسى اشهر افاضلن طرسوسى محمد افندى متبحرين علمادن طرسوس مفتيسى احمد افدينك نجل مبعليدر . ولادتلى (طرسوس) ده در ، والد فضائل مواردى مشاراليهك مجالس درس

حقايق پرور یلزدن علوم عقلیه و نقلیه فی استحصال ایندی . پدردن صکره مقبلك عهدۀ فقاہتہ تفویض ایلدی .

ارتحالی ۱۱۴۵ تاریخلرنده در . ملا خسروك علم اصولدن (مرقاة الاصول) اسميله تألیف ایندکری کتابی مؤخرأ (مرآت) اسميله شرح ایتمشر ایدی . طرسوسی محمد افندی اشبوشرحك اوزرینه مختصرأ بر حاشیه یازدی . لغت ، وضع ، اشتقاق ، صرف ، نحو ، معانی ، بیان ، بدیع ، عروض ، قافیه ، منطق ، آداب ، کلام ، علم اسناد یعنی علم اصول حدیث ، اصول فقه ، تفسیر ، تجوید ، حدیث ، فقه ، فرائض ، تصوف ، ابدان ، طب ، حساب .

بونلر یکریمی درت علم اولوب بو علملردن علی طریق الاختصار بحث و تذکار ایدهرک (انموذج العلوم) ناميله معلوم عربی بر اثر نفیس دخی تدوین و تأسیس بیوردی .

سید محمد صدرالدین افندی

عشاقی زاده لردن و فضلائی موالیدن صدرالدین افندی .

پدر فضائل کستری نقیب السادات و مکرراً روم ایلی قاضیصکری اولان عبدالله افندی ۱۱۳۹ تاریخنده ، بونلرک پدرلری مکۀ مکرمه قاضیسی عبدالباقی افندی ۱۰۹۰ ده ، مشارالیهک پدر فضیلتندی اسکدار قاضیسی عبدالرحیم افندی ۱۰۸۷ ده ارتحال ایتدیلر . مشارالیه عبدالرحیم افندینک والدی و طریق عشاقی نك مؤسی اولان پیر حسام الدین عشاقی ۱۰۰۳ خلوتگاه احدیتہ رحلت بیوردیلر .

صاحب ترجمه سید صدرالدین افندینک شو نسبت صحیحہ سندن بشقه ۸۰۰ تاریخندن برو مشاہیر علمای اعلامدن بولنان سیرک زاده لردن نقیب الاشراف عبدالرحمن افندی نك کریمه زاده سیدر . نوعی زاده عطائی افندیدن صکره (شفايق نعمانيه) یه ذیل نفیس تحریر ایدن از میر ملاسی ابراهیم افندینک ده برادر زاده سیدر . صدرالدین افندی دارالسلطنه ده تولد ایتمشدر . زماننده سرلوحۀ علما اولان فضلائك مجالس جامع النفایس استادانه لردن علوم متداوله یی بالتحصیل خط تعلیق اصحاب کمالدن و موالیدن سیاهی احمد افندیدن یازمشدر . تحصیلاتنک جمله سنده اقرانته تفوق

ايتمىشدر . مسلك مدرسینده قطع مراتب ایدەزك ۱۱۳۷ رجبندە حلب ، ۱۱۴۵ شەبانندە شام شریف ملاسى اولوب شامدە مولويتك وظائفه مشغول ايكن ۱۱۴۶ دە عقبايه منقول اولمشدر . فضلا و عرفادن اطوار حسنه ايله متصف علمادن اصیل و نسیب ، ادیب و لیب بر ذات مكارم حسنات ایدی . سید مخلصيله فاضلانه بلیغانه بر قطعه دیوان اشعارى واردر .

خلیل افندی

ادرنه درسعام بنامندن اولوب استانبولده ۱۱۴۶ دە وفات ایتدی . حضرت خالد جوارنده بهاریه جاده سى اوزرنده صدوردن شعبان افندینك قبری قرینده مقبور ایدلدى .

عبدالرحمن افندی

شیخ الاسلام ایه زاده عبدالله افندی یه بر تاریخده امامت ایتمشدر . قدماى مدرسیندن ايكن ۱۱۴۶ دە وفاتى وقوعولمشدر . ادرنه قپوسى خارجنده اسكى نشانجی جامضك قارشوسنده سد اوزرنده مدفوندر . اوغلى آق ملا عمر افندی خطاطلقده ونايزنلكده شهرت كامله صاحبی برذاتدر . ۱۱۹۱ دە وفات ایدوب باباسنك يانته دفن ایدلشدر .

احمد افندی

درسعام حاجی احمد افندی . بولى ملحقاندن (مؤمنلر) قریه سنده طوغدى . درسعامدن اولوب آیاصوفیه جوارنده اقامت ایدردى . ۱۱۴۶ شوالنك یکریمی آلتیسنده وفات ایتدی . اسکدارده سید احمد دره سى قبرستانك سراجلر چشمه سنه یقین اولان طرفنده صدراعظم داماد ابراهیم پاشانك پدرى علی آغایه یاپدیردینی کارکیر بر تره یاننده دفیندر .

عبدالباقی افندی

پارسا زاده فضلاى موالیدن عبدالباقی افندی . پدرى پارسا محمد صابر افندی کلیولی ده دوغدى . او بلده ده مولوی خاتقاهنك

سجاده نشینی عمده‌الواصلین آغا زاده محمد دده دن منتسب و مستخلف اولمش،
ادرنده سلك مدرسینه داخل و بالدفعات بلاد دوریه مولویتارینه نائل اولدقدن صکره
سلك موالیدن تقاعدلکنی اختیار و کلیولی ده ۱۰۹۱ رمضانده عزم دارالقرار
ایلشدر .

وفاته (رمضان ۱۰۹۱) لفظنك تاریخ تصادف ایتمی غرائبندر .

اوغلی عبدالباقی افندی کلیولی ده تولد ایتدی .

شبابی درجه کماله واصل اولدینی اثناده وزرادن بحری باشانك دار کماله مقارنت
و خط تعلیق مشارالیهدن اخذ و تعلم ایدوب علمای اعلامك مجالس محققانه لرندن
علوم متداوله بی تلقی ایلدی .

طریق تدریسده حسب المعتاد ترفیع مراتب ایدهرك مخرج مولویتلرندن برینه
نیل ایله شام ملاسی اولمشیدی. استانبولده قوناغنده کتب متنوعه مطالعائیه مشغول
ایکن ۱۱۴۶ ده دارباقیه منقول اولدی .

ادرنه قهوسی خارجنده حضرت امیر بخاری درگاه شریفلی آرقه طرفلرنده
اقراسندن و علمادن عبدالحلیم افندیك قبری قربنده ودیعه خاك غفران ایلدی .
(حضور قلب ۱۱۴۶) ترکیبی وفاته تاریخدر .

فضلا و عرفادن حسن اطوار و مشواره مالک ذواتدن ایدی .

علاءالدین کاشانیك علم فقهدن (بدایع) نام کتابی فاضلانیه تحشیه ایتدی .
فنون عیدیه دائر برقاچ رسائل نفیسه سی واردر . خط تعلیقده نثرده شعرده
اقرانك اکلی اولوب (اکملی) مخلصیلده مکمل شعری واردر .

مصطفی ذکی افندی

منجم باشی ذکی مصطفی افندی .

صدور فضائلو فوردن لعلی زاده عبدالباقی افندی دن وسائر مهره ارباب فنوندن
علوم متنوعه بی اوکرندی .

درویش احمد مولوی زاده مصطفی افندیك برینه منجم ثانی و مدرس اولوب
۱۱۳۴ ذی الحجه سنده مومی الیه مصطفی افندیك فوتنده منجم باشی اولدی .

متخیران مدرسیندن ایکن ۱۱۴۶ شوالک یکریمی طقوزنده وفات ایتدی .
(مجربات ذکی) اسنده سکر جزؤ مقداری برائری مسموع فقیرانه اولمشدر .

عثمان افندی

فضلاى قضاى قضاى عثمان افندی .

متخیران ابراهیم افندی ابن حسن افندی اوغلی و مدرسین فضائلقریندن
آتی الترجه عصمت افندی کوجک برادریدر . استانبولده طوغمشدر . برادرندن
علوم متداوله‌ی کوردکدن ، شیخ الاسلام ولی‌الدین افندی خط تعلیق یازدقدن
صکره بالاستحقاق روم ایلی قضائی سلکده داخل اولمشدر . قواله قاضی ایکن
۱۱۴۶ ده وفات ایتمشدر .

فضلاى قضاى عثمان افندی . برادرى عصمت افندی طریق نقشبندی ارکانی وجهله نسبت
و تکمیل طریقت ایدن ارباب عرفاندندر .

عثمان افندی

علماندندر . ۱۱۴۶ ده وفات ایتمشدر . ادرنه قیوسی خارچنده لعلی افندی
چشمه‌سی آرقه جهلرنده علمادن خطوانی زاده‌لر قربنده مدفوندر .

(مابعدی وار) عصمت